

唐陸宣公集卷第十六 奏草卷第六

興元賀吐蕃尚結贊抽軍迴歸狀

興元奏請許渾城李晟等諸軍兵馬自取

機便狀

興元請撫循李楚琳狀

興元論中官及朝官賜名定難功臣狀

興元論賜渾瑊詔書為取散兵內人等議

狀

變金篤將還宮闕論數日狀

請釋趙貴先罪狀
論替換李楚琳狀

收河中後請罷兵狀

興元賀吐蕃尚結贊抽軍迴歸狀

右欽湊奉宣聖旨適得渾城奏北曰尚結贊
頻使人計會擬自領兵馬剋期同收京城緣
春來蕃軍多有疾疫近得探報尚結贊等並
抽兵退歸不知遠近朕意緣吐蕃士馬強盛
又以和好之義自請斷兵助國討賊朝夕想

其成功今忽抽軍退歸甚失準提渾城李晟
等諸軍兵馬並不至絕多若無蕃軍應援深
慮被賊衝突卿試料量事勢如何者臣質性
莽昧不習兵機但以人情揆之時亦偶有所
得自承此旨欣賀實深竊謂蕃戎退歸乃是
社稷遐福昨日已附欽湊口奏訖伏恐未盡
愚款尚勞聖憂謹復披陳庶解疑結彼吐蕃
者犬羊同類狐鼠為心貪而多防狡而無取
威之不懼撫之不懷雖或時有盛衰大抵常

為邊患陰詐難狎特甚諸夷陛下但舉建中
已來近事准之則戍心難知固可明矣頃者
方靖中夏未遑外虞回其乞盟遂許結好加
恩降禮有欲無違而乃邀求寢多翻覆靡定
託曰細事漬有煩言首尾凡歷四年要約竟
未堅決五碑纔畢復請改移猜矯多端於斯
可驗逮至盜驚都邑駕幸郊畿結賚揔戎在
邊日請停兵赴難陛下惟誠允納厚賂招誘
逗留持疑竟不時進無所討除之用但攜將

帥之心懷光遽至猖狂頗公由茲從禍及皇
輿再駕移蹕漢中陛下猶望蕃兵以寧內難
親倚之情弥厚屈就之事亦多豺狼野心曾
不知感翻受朱泚信使意在觀變推移頻與
諸軍剋期至時皆不赴會致令羣帥進退憂
虞欲捨之獨前則慮其懷怨乘隙欲待之合
勢則苦其失信稽延既茲且驢曷望成績非
唯變態難測且又妨復實深戎若未歸寇終
不滅臣請復為陛下根本其說則人情物理

昭然皆可得而察焉向者謀誘蕃兵本是使
臣失策陛下急於戡亂嘉彼効誠唯恐後時
不暇詳議遽降優詔促令進軍遠近聞之莫
不危駭將帥意陛下不見信任且患蕃戎之
奪其功士卒恐陛下不恤舊勞而畏蕃戎之
專其利賊黨懼蕃戎之勝不死則悉遺之擒
百姓畏蕃戎之來有財必盡為所掠是以順
於王化者其心不得不怠陷於寇境者其勢
不得不堅怠我之師堅寇之衆戒心變詐復

未可量以此益兵但招其指耳以此靖國適
資其亂耳一昨蕃戎未退臣又竊有過憂流
聞結贊好謀恐其潛蓄姦計儻或幸朝廷播
越之際乘賊泚窮蹙之時輕犯近郊若升虛
邑耀兵牧馬不却不前外奉國家內通兇逆
兩峙誘脅之勢俱納贈遺之資旁觀戰爭坐
乘衰弊如此則王師不得伐叛烝黎不得寧
居賊必耗亡我力困竭京甸所有勢無孑遺
千里丘墟得將安用是乃我有萬全之利我

有不測之危臣所以痛心傷神晝驚夕惕者
慮其意及於此也所賴天奪其魂神降之災
覩機若俱違厲白道實昊穹悔禍之應列聖
垂祐之期廓清妖氛慶必非遠何以知其然
也且賊泚之亂始於暴兵因征役之繁興乘
衛禁之闕備誘扇群慝遂謀大姦逆天僭君
躬肆攻逼凡有血氣皆知惋嗟矧伊忠良孰
不痛憤獨惡無與何能久存加以聖德日新
改過不吝布革弊之詔弘恤隱之懷天下黎

元翕然遷善易心改觀狀亂思安和風既揚
昏浸自斂蠢茲狂悖久合殲夷頃屬懷光昏
迷緩師養寇吐蕃干撓生事惑人故使義士
無施厲階猶梗今懷光別保蒲絳吐蕃遠避
封疆形勢既分腹背無患賊戢諸帥才力得
伸又各士馬非多資糧向竭若不降賊即須
建功此輩寵任已崇貴位已極建功則寵增
而位固降賊則名辱而身危况賊之兇惡滅
亡可必賊之孤劣翦撲非難孰肯捨固而就

危違寵而從辱棄垂成之業臣將滅之虜哉
既牽於利害之情理不同惡又迫於單乏之
急勢難久居勢理相驅安能無戰渾瑊統戴
休頽韓遊環乘其西北李晟率駱元光尚可
孤攻其東南同病相資自當合力但願陛下
慎於撫接以奮起忠勇之心動於砥礪以昭
蘇遠近之望中興大業旬月可期不宜尚眷
眷於犬羊之羣以失將士之情也臣愚不任
懇悃之至輒以私懷付度謹冒昧以聞謹奏

典元奏請許渾瑊李晟等諸軍兵馬自
取機便狀

右欽漵奉宣聖旨省卿所奏蕃軍退歸及關
中體勢理皆切當甚慰朕懷然渾瑊李晟等
諸軍須有商量規畫今其進取朕見欲遣使
宣慰卿宜審細條疏速奏來者臣聞將貴專
謀兵以奇勝軍機遙制則失變戎帥稟命則
不威是以古之賢君選將而任分之於闔誓
莫干也授之以鉞俾專斷也夫然故軍敗則

死衆戰勝則策勲不用刑而師律貞不勞慮
而武功立其於委任之體豈不博哉其於
言成之利豈不精覈哉自昔帝王之所以夷
大衆成大業者由此道也其或疑於委任以
制斷由已為大權昧於責成以指麾順旨為
良將鋒鏑交於原野而決策於九重之中機
會變於斯須而定計於千里之外違令則失
順從令則失宜失順則裨君之嚴失宜則敗
君之衆用之相礙不戒皆由上有掣肘之謀

下無死綏之志其於分畫之道豈不兩傷哉
其於經綸之術豈不都謬哉自昔帝王之所
以長亂繁刑喪師威國者由此道也茲道得
失兵家大樞當今事宜所繫尤切蓋以寇盜
充斥乘輿播遷人心有觀變之搖王室無自
固之重秦梁迴繚千里而遙臨之以威則力
勢不制授之以策則阻遠不精頃者驟降詔
書教諭群帥事無大小悉為規裁及乎章表
陳誠使臣復命進退遲速率奉聖謀豈皆樂

於違忤哉亦由傳聞與指實不同懸筭與臨
事有異故也設使其中或有肆情奸命者陛
下能於此時戮其違詔之罪乎臣竊恐未能
也陛下復能奪其兵而易其將帥乎臣亦恐
未能也是則違命者既不果行罰從命者又
未必合宜徒費空言祇勞睿慮匪唯無益其
損實多何則時方艱屯下陵上替凡在執干
戈而衛社稷者皆自謂勲業由已義烈發心
安於直躬竊於羈制陛下宜儆徇斯意因而
安之遂其所安護其所病教以什授之義固
以親信之恩假以便宜之權待以殊常之賞
其餘細故悉勿開言所賜詔書務從簡要慎
其言以取重深其託以示誠言見重則君道
尊託以誠則人心感重守則不嚴而衆服感則
不令而事成其勢當今智者聘謀勇者奮力
小大成極其分賢愚各適其懷將自効忠兵
自樂戰與夫迫於驅制不得已而從之者志
氣何啻百倍哉夫君上之權持異臣下者唯

不自用乃能用人其要在順於物情其契在
通於時變今之要契頗具於茲儻蒙究思或
有可取謹奏

興元請撫循李楚琳狀

右件官比緣性行無良多為時議所惡頗被
封章論奏言其心挾兩端若不隄防恐妄生
窺伺謂宜斥絕用杜姦邪近者鳳翔使來絕
不蒙恩召見滯留數輩並未放還云云陛下
不忍忿心頗從輿議以臣忝竊謂非宜李

楚琳乘時艱危樹擾攻下賊殺我川款結兇
渠奉天之圍頗亦有助其於叛亂海內彰聞
論者今始紛紜一何知見之晚耶但以乘輿
未復大憝猶存勤王之師悉在畿內急宣速
告畧刻是爭商嶺則道迂且遙雖公復為盜
所扼僅通王命唯在褒斜此路若又阻艱南
北遂將復絕以諸鎮危疑之勢居二逆誘脅
之中洵洵群情各懷向背彼勝則往我勝則
來其間事機不容差跌儻或楚琳發憾公肆

猖狂南塞要衝東延巨猾則我咽喉梗而心
脊分矣其勢豈不甚病哉且楚琳本懷唯惡
是務今能兩端顧望乃是天誘其衷故通歸
塗將濟大業陛下誠宜深以為念厚加撫循
得其持疑便足集事儻能遷善亦可濟師今
若徇褊狹之談露猜阻之跡懼者甚衆豈唯
一夫自昔能建奇功或極危厄未必皆是潔
矩之上溫良之徒驅駕陵馴唯在所馭朝稱
兇悖夕謂忠純始為寇讐終亦相知陳平

無行而不棄忿韓信自王而遂封蒯通以折
理獲全雍齒以積恨先賞此漢祖所以恢帝
業也置射鈞之賊而任其才釋斬祛之怨以
免於難此桓文所以弘霸功也然則當事之
要雖罪惡不得不容適時之宜雖仇讎不得
不用陛下必欲精求素行追扶宿疵則是改
過不足以補愆自新不足以贖罪凡今將吏
豈得盡無疵瑕人皆省思孰免疑畏又况阻
命之輩脅從之流自知負恩安敢歸化斯釁

非小所宜速圖孔子曰人而不仁疾之已甚
亂也又曰小不忍則亂大謀君陳曰無忿疾
于頑又曰必有忍其乃有濟伏願陛下必以
英主大略聖人格言為元龜固不可納豎儒
小忠以虧撓興復之業也臣不勝憂國至計
謹啟事以聞謹奏

興元論中官及朝官賜名定難功臣狀
右欽淑奉宣聖旨比在奉天將士並賜名定
難功臣今宰臣等商量扈從中官辛苦至

亦合依例並賜此名朕以南衙朝士之中有
經奉天重圍又似卿等昨者奔赴行在涉歷
危險亦極艱難今不問中官朝官但經重圍
又到山南者並擬賜名定難功臣卿宜商量
豈不穩便者陛下惠霑執御仁洽庶寮念隨
難之憂危恤從巡之勞苦議增寵飾將錫嘉
名事雖未行意則已就凡在貴近固知銜恩
膺旨淹詳復詢庸賤惟精惟慎允謂防微顧
省何知屬當下問臣若自貪榮號傍懼悲憎

因循順成不極所見心且知負如天墜何是以不揆言之淺深不計身之利害但輸狂直唯聖所裁臣聞賞以懋庸名以彰行賞率其庸則忠實之効廢名浮於行則瀆冒之弊興一足以撓國權一足以亂風俗授受之際豈容易哉頃以駑蹏奉天迫於患難竟襍兇逆實賴武人遂旌定難之杰特賜功臣之目名頗符實事亦會時所需雖多誰曰非允至如官闈近侍班列具臣雖奔走恪居各循厥職

而驅除翦伐諒匪所任又屬皇輿再遷天禍未悔見危無補曷謂功臣致寇方深孰云定難縱使遭罹圍逼跋履崎嶇難則當之定將安據勞或有矣功其謂何大凡有生之倫莫不各親其類賤彼貴我抑惟常情黜異獎同亦是常性臣忝搢紳之列又當受賜之科竊自校量猶知不可而况於公議乎况於介冑之士乎人之多言靡所不至必謂陛下溺愛近習故徇其苟得之情況該群司以分其私

昵之謗怨不在大釁皆自微必將沮戰士激
勵之心結勳臣憤恨之氣所悅者寡所愠者
多所與者虛名所失者實事所悅者臣下之
夸志所病者國家之大猷利害皎然不為難
辨且名者衆之所評也是曰公器亦為爭端
覈之至精猶患相軋處或乖當安能勿踰以
漢高之制服雄豪太宗之削平區寓天下既
定乃論功勳有蕭曹之殊庸有房杜之碩畫
戰守經略倬乎殊倫猶謂豐沛故人刀筆文

吏諧將不服頗相訐搆乃至攘袂指天拔劍
擊柱偶語謀反誣譁訟寃矧今國步猶艱王
化未洽方資武力以殄寇讐蓋非息倖競進
之時文儒角逐之日當功而獎尚恐未孚獎
又非功固宜見誥儻有節効尤著理當褒崇
賞典甚多何必在此其餘別無績用例徇驅
馳且俟賊平甄錄非晚謹奏

興元論賜渾瑊詔書為取散失內人等

議狀

右德亮承旨并錄先所散失內人名字人臣撰詔書以賜渾瑊遣於奉天尋訪以得為限仍量與資裝速送赴行在者頃以理道乖錯禍亂荐鍾陛下思咎懼災俗人罪已屢降大號誓將更新天下之人垂涕相賀慈念釋怨煦仁戴明畢力同心共平多難止土崩於絕岸收板蕩於橫流殄寇清都不失舊物實由陛下至誠動於天地深悔感於神人故得百靈降康兆庶歸德苟不如此自古嘗有擲棄

宮闕失守宗祧繼逆於赴難之師再遷於蒙塵之日不踰半歲而復興大業者乎今渠魁始平法駕將返近自郊甸遠周寰瀛百役疲瘵之毗重傷殘廢之卒皆忍死扶病傾耳竦肩想聞德聲翹望聖澤陛下固當感上天悔禍之眷荷烈祖垂裕之休念將士鋒刃之歎愍黎元塗炭之酷以致寇為戒以居坐為危以務理為憂以復言為急損之又損尚懼汰侈之易滋艱之惟艱猶患戒慎之難久謀始

盡善克終已稀始而不謀終則何有夫以內
人為號蓋是中壺不流天子之尊富有宮掖
如此等輩固繁有徒但恐傷多豈息之使翦
除元惡曾未浹辰奔賀往來道路如織何必
自虧君德首訪婦人又令資裝速赴行在萬
目閱視衆口流傳恐非所以答慶賴之心副
惟新之望也夫事有先後義有重輕重者宜
務之於先輕者宜措之於後故武王克殷有
未及下車而為之者有下車而為之者美矣

其不失先後之宜也自翠華播越萬姓靡後
清廟震驚三時之祀當今所務莫大於斯誠
宜速遣大臣馳傳先往迎復神主脩整郊壇
展禋享之儀申告謝之意然後弔恤死義慰
犒有功綏輯黎烝優問耆老至安定反側寬宥
脅從宣暢營壘褒獎忠直官失職之士復廢
業之人是皆宜先不可後也至如崇飾服器
繕緝殿臺備耳目之娛選中櫛之侍是皆宜
後不可先也宜後而先則為君之道喪宜先

而後則理國之義差古之興王必慎於此陛下將務興復又安可不慎乎且散失內人已經累月既當離亂之際必為將卒所私其人若稍有知不求當自陳獻其人若甚無識求之適使憂虞自固寇亂喪亡頗有大於此者一聞搜索懷懼必多僻僻尚繁群情未一因而善撫猶恐危疑若又懼之于何不有昔人所以掩絕纓而飲盜馬者豈必忘其情愛蓋知為君之體然也以小妨大明者不為天下

固多美人何必獨在於此易曰危者安其位者也亂者有其理者也故君子安不忘危理不忘亂是以身安而國家可保也春秋傳曰或多難以固其國或無難以喪其邦誠以憂危則思安之情切遭亂則求理之志深切於思安深於求理國之固也不亦宜乎及夫居安而驕恃理而怠驕則縱肆其奢欲怠則戢惡於忠言奢欲日行忠言日梗國之喪也不亦宜乎衛獻出奔久而復國大夫迎於境

者執其手而與之言迎於門者領之而已言
其驕怠之易生也齊桓將圖霸功管仲戒之
以無忘在莒懼其情志之易變也今臣亦願
陛下企思危固固知不及懲忘亂喪國如探
湯以在莒為書紳之規以襄衛為覆車之鑿
則德為帝範理致時雍與夫貪逸欲而致禍
機其利害亦云遠矣所令撰賜渾瑊詔未敢
承旨伏惟聖裁謹奏

鑿駕將還宮闕論發日

但以霖潦方甚道路阻艱衆情同憂莫敢論
奏今發日漸逼陰雲尚繁小大敷敷愁懼轉
甚臣雖聞鈇亦竊揣量豈不知元惡初下餘
氛未殄乃是逆順將分之際吉凶多變之時
須速鎮安理宜促駕向使霖潦為害人功可
施其備禦由於智能其役用止於煩費其所
患不及於性命其可憂但在於人臣則當公
私起財上下竭力務寧大業矣恆暫勞各應

叶奉聖規安敢復忤成命良以褒斜峻阻素
號畏途緣側逕於巔巖綴危棧於絕壁或百
里之內厯險且千或一程之中涉水數四若
遇積雨滯浸羣峯對流巨石崩奔旬殷相繼
深谷瀰漫往來不通悉非功力之所支籌略
之所過斯須之頃跬步之間倉皇遽決皆不
可測匹夫單騎尚且過防况萬乘時行千官
影從而可以蹈不存之險冒無營之災乎如
或登路潔崩閭道淹圯環衛之儀少缺屬車

之馬微驚縱有億徒何所為用陛下欲無駭
慮其可得乎又或霖滯更深谿澗皆溢運路
既絕傳送無由連山萬重進退不可一日之
食將如之何陛下欲無軫憂固亦難矣人主
舉措宜圖萬全必先事以防危不臨危而求
幸幸而獲濟貽規已深不幸罹災追悔何及
孔子曰欲速則不達誠哉是言臣今非敢阻
陛下欲速之情但頗以不達為慮耳儻迴睿
旨少俟開晴則毅期雖延涉路無滯不疾而

速允叶乾行知幾其神是謂天鑒竊聞群議
輒以工陳悽悽懇誠實冀昭納謹奏

請釋趙貴先罪狀

右欽激奉宣聖旨前者共卿商量趙貴先欲
恕其罪朕朝未更問諸將皆云貴先順從宋
此則是逆人合依常刑不可寬捨衆人意既
如此應難釋放卿宜知悉者臣愚以為貴先
逆之罪法當不容昔先隋身之由情則可
恕陛下所議矜宥原其情也諸將所請誅戮

據於法也據法而除君之惡者人臣之常志
原情而安衆之危者人主之大權臣主之道
既殊通執之方亦異言各有當體各有宜事
或相駁而無傷此之謂也往以襄城告急詔
命龐右發兵齊映率衆東行貴先即其部將
于時軍至照應適遇駕幸奉天齊映馳歸鳳
翔貴先獨主管幕進無認帥退闕亂兵遂為
賊此所招給以同迎鑾駕此既反狀未露貴
先安得勿疑已受邀留遂遭劫制身糜偽職

兵隸完徒雖居賊中亦不見任首末事跡簡
在天心臣亦親承德音非獨聞於傳說其於
情狀頗有足矜所可受責之辜唯卒不能守
節而死耳貴先儻能守節亦是忠烈之徒固
獲罪於豈資寬捨凡所議讞蓋緣獄疑罪疑
惟輕實編令典脅從罔理亦載聖謨况復懷
先未戢希烈猶熾遭罹誘陷其類寔繁今京
邑初平皇猷更始乃是汚俗觀化之日聖王
布德之時所用刑章尤宜審慎一輕一重理

亂放生宥之以息則自新者咸思歸命嚙之
以法則懷懼者姑務偷生衆心既偷賊勢思
固不忍一朝之忿而貽累歲之憂苟循匹夫
之譏以興億衆之役為計若此夫何利之有
焉曩者羯胡亂華染汚士吏肅宗興復累降
赦書罪止渠魁餘所不問河朔遺孽既聞德
澤之弘被且辛膺汚之見原人人皆自怨尤
各悔歸國之晚及乎三月殺罪繼用嚴科未
降之流復喜得許慶緒將消而再結思明已

附而重攜浸長屬階至今為搜豈不以任法
吏而虧權道小不忍而亂大謀者乎昔漢高
帝既定四方見諸將往往偶語謀反乃問張
良曰為之柰何良曰陛下所最恨者為誰帝
曰雍齒與我有舊而數害我良曰今急封雍
齒則人人自堅矣帝用良計諸將果安皆云
雍齒且侯吾屬何患蓋以國霸王者不牽於
常制安反側者固念於宿瑕今陛下有漢高
之美貴先無雍齒之釁加戮不足威亦逆於
全可以定危疑明怒而行盛德斯在何所為
慮尚勞依違微臣區區上言蓋為將來張本
凡非首惡皆願從寬庶使負累之徒莫不聞
風而化消姦兇誘惑之計開叛亂降附之門
此其大機不可失也陛下前意固為善矣伏
惟不為浮議所移謹奏

論替換李楚琳狀

右欽漵奉宣聖旨李楚琳不可久在鳳翔欲
候朕到日簡擇一人替楚琳充節度使楚琳

別與一官便隨朕歸京既有迎駕諸軍威勢甚盛因此替換亦是權宜卿宜商量穩便否者臣聞王者有作先懷永圖謀必可傳事必可繼不因利以苟得不乘便而幸成故能上下相安而理可長久也彼楚琳者固是亂人乘國難而肆逞其姦賊邦君而篡居其位按以典法是宜污猪既屬多虞不遑致討乃分之以旄鉞又繼之以寵榮遠至南巡頗全外順道途無壅亦有賴焉雖朝命累加蓋非獲

已然二言一出則不可渝縱聞君臣之恩猶須進退以禮今若回行幸之威勢假迎扈之甲兵易置以歸是同虜執以言乎除亂則不武以言乎務理則不誠禍變繁興為日久矣負豐居位豈唯一人以此時巡後將安入以此撫御誰其感懷昔漢高偽遊韓信元獲功臣繼叛天下幾危征伐紛紛以至沒代其微倖之不可也如此陛下得不為至戒哉議者謂之權宜臣又未諭其理夫權之為義取類

權衡衡者稱也權者錘也故權在於懸則物之多少可準權施於事則義之輕重不差其趣理也必取重而捨輕其遠禍也必擇輕而避重苟非明哲難盡精微故聖人貴之乃曰可與適道不可與立可與立未可與權言知機之難也今者甫平大亂將復天衢輦路所經首行脅奪易一帥而厲萬乘之義得一方而結四海之疑乃是重其所輕而輕其所重謂之權也不亦反乎以反道為權以任數為

智君上行之必失衆臣下用之必陷身歷代之所以喪亂而長姦邪由此誤也夫以韓信才略當時莫濤且負嫵猜已遭告訐縱之足以亂區寓除之可以安國家幸而成擒猶謂失策當時被攻戰之害百代流詭詐之譏况楚琳卒伍凡材廝養賤品曰時撥攘得肆猖狂非有陷堅殪敵之雄出奇制勝之略頗同狐鼠乘夜睚眦晨光既升勢自踰縮今邠畿已又武衛方嚴汧隴鎮壓於其西邠涇扼制

於其北顧是岐下若居掌中以楚琳瑯芳之
資處掌中控握之地縱令躡躅何惡能為願
陛下姑務含弘普安反側促駕遄止錄功擢
勤敷肆青之恩布惟新之令然後徵韋臯楚
琳俾入分文武之職擇元勳宿望命出摠岐
隴之師則彼承認欣榮奔走不暇安敢薑介
復勞誅鋤措置得宜萬無一失何遽過動不
為後圖仰希睿聰試更詳慮謹奏

收河中後請罷兵狀

昨日欽漉奉宣聖旨示臣馬燧渾瑊等奏平
懷光收河東狀兼令臣商量須作可處置令
欽漉奏來者兇梗熾盪閔畿廓清實聖謀廣
運之功亦宗社無疆之祚應須處置大略已
附欽漉口陳展轉傳言恐未盡意謹復薦其
固慙願陛下少留察焉臣聞禍或生福福亦
生禍喪者得之理得者喪之端故晉勝鄔陸
范燮祈死吳克勁越夫差啓殃是知福不可
以屢徼幸得不可以常覬覦居福而慮禍則

其福可保見得而忘喪則其喪必臻臣竊懼
誚諛希旨之徒險躁生事之輩幸兇醜覆亡
之會揣英主削平之心必將競効甘言誘開
利欲謂王師所向莫敵謂餘孽指顧可平請
迴蒲坂之戈復起淮沂之役斯議一啓必有
亂階故激臣姑以生禍為憂而未敢以獲福
為賀也何則建中之難其事可徵始以蓄憾
而隘於含容或以亟勝而輕於戰伐故文喜
之討涇上之瘡痛未平崇義之征漢南之艾

夷繼甚阻命之師非不誅也伐叛之師非不
克也介焉之斷非不堅也赫斯之怒非不逞
也然以人不見恤惟戮是聞有辜無辜不敢
自保是以抱釁反側者懼鈇鉞之次加畏禍
危疑者慮猜譖之災及遂乃各蠹結以拒討狼
顧以背恩彌兩河而亘淮夷盪三輔而盜京
邑鑿輅為之再駕行宮至於合圍于時海內
大搖物情幾去天命莫保於寸晷王威不出
於一域邦國之杭隄艱屯綿綿聯聯若包桑

綴旒幸而不殊者屢矣勢之危窘實足寒心
非有曩時熊羆翕習之師雷霆奮發之勢武
庫劍戟之利帑藏財賦之嚴其所以施令率
人取威定亂比於建中之始豈不至微至殺
哉然而陛下懷悔過之深誠降非常之大號
知黷武窮兵之長亂知急征重斂之勦財知
殘人肆欲之取危知違衆率心之稔慝知烝
庶困極之興怨知上下鬱埋之失情德音渙
然興之更始所在宣敷之際聞者莫不涕流

雖或兇穢匪人亦必為之歔歔誠之動物乃
至于斯懷梟鷁以好音消浸洽為和氣由是
姦回易慮黎獻歸心假王叛換之夫削偽號
以請罪觀虜首鼠之將壹純誠以効勤流亡
凍餒者希保於室家屯戍戰爭者異全其性
命德澤將竭而重霏君臣已絕而更交天下
之情翕然一變曩前之而愈叛今釋之而畢
來曩以百萬之所而力殫今以咫尺之詔而
化洽是則聖王之敷理道服暴人任德而不

任兵明矣羣臣之情臣禮非天誅圖活而不
圖亡又明矣尚恐陛下以臣言之略而未喻
也請復循其本而申備之往以河朔青齊同
惡相扇擁戎據土易代不庭陛下恥王化之
未同忿姦慝之靡格於是發六軍神策河陽
河東澤潞朔方之騎士以徂征于北命永平
汴宋幽隴江淮閩嶺之將卒以奮伐于南虜
國家廩帑以贍軍志公私廩救以張武筭斂
周於萬類徵徭被於八荒勞已甚矣威亦盛

矣既而曠日綿歲老師費財兩河之寇患有
加無瘳而邦本已始覆矣洎涇卒唱亂泚戎
構災豺狼整居於禁闈契渝擇肉於馳道河
朔問罪之衆布路而歸宗邾伏順之師守壘
不暇于斯之亂海內沸騰儻有問鼎之雄圖
滔天之巨猾幸災乘間何所不為既而悅納
之儔咸自斂縮內無非望之議外無軼境之
侵及聞天澤滌瑕制書復爵曾不帶芥望風
歎降爭馳表章唯恐必後効其素志於此可

知是皆假兵救怨之流戀土偷安之輩懷生
畏死蠢動之大情慮危求安品物之常性有
天下而于百姓者以天下之欲為欲以百姓
之心為心固當遂其所懷去其所畏給其所
求使家家自寧人人自遂家為寧矣國亦同
焉人苟遂矣君亦泰焉是則好生以及物者
乃自主之方施安以及物者乃自安之術濟
彼於死地而求此之有生也從古及今未之
有焉措彼於危地而求此之有生也從古及

今亦未之有焉是以昔之聖王知生者人之
所樂而已亦樂之故與人同其生則上下之
樂兼得矣聖王知安者人之所利而已亦利
之故與人共其安則公私之利兩全矣其有
反易常理昏迷不恭則當外察其倔強之由
內省於撫馭之失脩近以來遠檢身而率人
故書曰惟干戈省厥躬又曰舞干羽于兩階
七旬有苗格孔子曰遠人不服則脩文德以
來之既來之則安之此其証也如或昧於懷

柔務在攻取不徵教化之未至不疵誠感之
未孚惟峻威是臨惟忿心是肆視人如禽獸
而曝之原野輕人如草芥而勦之鉅鋒叛者
不賔則命致討討者不克則將議刑是使負
釁者懼必死之誅奉辭者慮無功之責編氓
以困於杆軸而思變士卒以憚於死喪而念
歸萬情相攻亂豈有定一夫不率闔境罹殃
一境不寧普天致擾兵拏禍結變起百端故
孔子曰遠人不服而不能來也邦分崩離析

而不能守也而謀動干戈於邦內吾恐季孫
之憂不在顓臾而在蕭牆之內矣此蓋必然
之常理至當之格言足以為明鑑元龜貫百
王而不易者也事乃反覆得無懼乎夫理有
必然則殊途歸於同轍言有至當則異代應
如合符頃以東北孽徒職貢廢闕陛下忿其
違命大舉甲兵至今逆泚誘姦乘釁而動所
備之寇猶遠介於河山不虞之戎已竊發於
都鞏蕭牆之戒不其信歟前典垂訓既如彼

近事明驗又如此所以德音敘哀痛之情悔
征伐之事引衆慝以答已布明信以示人既
往之失畢懲莫大之辜咸宥約之以省賦誓
之以息兵由是億兆汗人四三叛帥感陛下
自新之旨悅陛下盛德之言革面易辭共脩
臣禮其於深言密議固亦未盡坦然必當聚
黨而謀傾耳而聽觀陛下所行之事考陛下
所誓之言若言與事稽則遷善之心漸固儻
事與言背則慮禍之懲復萌自京邑底寧乘

輿旋返屬懷光繼亂天討又行息兵之言我
則未復山東群帥所以未敢生亂者蓋為河
中之地密近王城迫於朝夕之虞不得不翦
除之爾今若改轉移旂復指淮西則淮西元
兇必將誑脅其同惡之徒門說於新附之帥
謂之曰奉天息兵之旨乃因窘急而言朝廷
稍安必復誅伐是以朱泚滅而懷光戮懷光
戮而希烈征希烈儻平禍將次及則彼之蓄
素疑而懷宿負者能不為之動心哉心既動

則盈其喪身覆族之憂憂既烈則慮以辱亡
齒寒之病夫病同者雖胡越而相愍憂同者
不邀結而自親河朔青齊固當響應建中之
禍勢必重興以國家再造之初當羣孽息肩
之後迭來嗚吠或肆奔衝討之則我力亦遑
縱之乃寇患斯甚臣愚竊以為禍非細未審
陛下何方以待之若有其方侮之可也如其
未有願陛下勿輕易焉凡將圖終必存慎始
禍機一發難可復追臣請粗陳當今維馭之

所宜唯聖主省擇萬一夫君之大概在惠與
威二者無行廢一不可惠而罔威則不畏威
而罔惠則不懷苟知夫惠之可懷而廢其取
威之具則所敷之惠適足以示弱也其何懷
之有焉苟知夫威之可畏而遺其施惠之德
則所作之威適足以召敵也其何畏之有焉
故善為國者宣惠以養威蓄威以尊惠威而
能養則不徃惠而見尊則有恩是以惠與威
交相蓄也威與惠互相行也人主之欲柔遠

人而服強暴不明斯術之要莫之得焉今皇
連中興天禍將悔以逆泚之偷居上國以懷
光之竊保中畿歲未再周相次梟殄實衆慝
驚心之日羣生改觀之時威則已行惠猶未
洽誠宜上副天眷下收物情布恤人之惠以
濟威乘滅賊之威以行惠宥河中染污之黨
悉無所問赦淮右僭逆之罪咸與惟新蠲貧
疲眊休罷戰士符徃歲息兵之令以彰信至
大君含垢之德以布仁俾萬姓皆曰大哉王

言又曰一哉王心如是則威不用而畏如神
明惠不費而懷如父母凡在危疑懼討者必
將曰誰右僭逆之罪且赦矣吾屬何患焉凡
在脅從同惡者必將曰河中染污之黨且宥
矣吾屬何病焉凡在倦苦思安者必將曰吾
君有戰勝之師抑而不驕信乎其罷征矣凡
在凋殘望理者必將曰吾君有嫉亂之憤忍
而不據信乎其恤隱矣天下之心若此而禍
亂不息理道不行者無之臣所未敢保其必

從唯希烈一人而已揆其私心非不顧從也
想其潛慮非不追悔也但以倡狂失計已竊
大名雖荷陛下全宥之恩然不能不自覩於
天地之間耳縱未順命斯為獨夫內則無辭
以起兵外則無類以求助其計不過厚撫部
曲偷容歲時心雖陸梁勢必不敢陛下但為
諸鎮各守封疆彼既氣奪筭窮是乃狴牢之
虜不有人禍則當鬼誅朝廷務崇德以待之
臣固知其必不逃於所揣矣方今謂不戰而

屈人之兵者斯之謂歟今若不顧幾宜復興
戎役瀆威而蕙惠捨易而即難是棄明信而
務忿心假敵辭而資寇援窮者不暇恤勞者
不得居國之安危或未可保此乃成敗理亂
之所繫願陛下難之慎之區區上千憂惜在
此儻蒙過納狂瞽不疑所行謹當草具招諭
之辭詳陳備禦之畫伏俟宣許方敢以聞謹
奏

唐陸宣公集卷第十六